



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Constantinus Episc. M. 29. Ianuarii.

urn:nbn:de:hbz:466:1-44055

quā victum ejecerat. Huic itaque infelix primò pudorem, mox vitam extorquet. Et verò tertium scelus accumulasset desperabundus, & victum se mundo dedidisset, nisi à tam turpi fugâ sanctissimi viri operâ Deus retraxisset. Tum enim verò ad se redire JACOBVS, sepulchrum vivus subire, mortem suam vivus deflere in decimū annum usque: cælo interim oculos nunquam attollere, vix semel aut iterum in hebdomade de herbulis vesci, quæ ad ostium conditorii crevissent. Ipse certè Apostolus peccato mortuum dixisset. Sed nunquam pulchriùs ille vixit, quam sic mortuus. Nam suppliciis hic sponteis placatum Numen disertis verbis ex Episcopis nonnemini significavit, beatum imbre, quem tam anxiè sed nec quicquam postulabant, non nisi ad preces JACOBI concedendum. Atque hoc aliisque ejusmodi miris cum iterum orbi innotuisset, mori denique desit annos natus LXXV. habuitque novo more unum idem, & domicilium & sepulchrum. Ex Surio.

Cur pudet peccatum tuum dicere, quem non pudet facere? aut cur erubescis Deo confiteri, cuius oculis non potes abscondi? Quod si pudor tibi est, uni homini & peccatori peccatum tuum exponere, quid facturus es in die judicii, ubi omnibus exposita tua conscientia patet? S.Bern.in sent.

S. CONSTANTIUS EPISC. M.

29. Ianuarii.

NObilissimis parentibus ortus est CONSTANTIUS; opulentam hæreditatem his demortuis aditus, nisi alios succedere sibi hæredes vivus voluisset; inopes scilicet assēm CONSTANTII abstulere. At hic insulam Perusinam paulò pōst tulit.

Quia

Quia verò geminis cæcis curatis oculos multorum Ethnicorum, M. Antonini ævo, aperuit; post crudeles verberum cruciatus in bulliente ab ignibus balneo plagas scilicet jubetur abluerere. Verū sub noctem illuc quoque de cælo lumen affulget, fideique lucem custodibus accedit. Iis auctoribus fugam capit, sed retractus, qui prius aquas, nunc in prunis ignē triumphat. Amissus proinde, sed tertium jam captus atrocissimè cæditur, molllissimè curatur ab Angelis, à tyranno denique capite plectitur. Funus ejus Cælites curarunt, cantuque tamdiu celebrarunt, dum Leucianus divino monitu eam curam in se reciperet. Id dum fit, & duo à fidè alieni funus rident, oculos amittunt, dum lugent, recipiunt. Sed & aliis duobus pulsâ oculis nocte lux rediit, ut suum jam omnes in CONSTANTIO solem agnoscerent, qui diem oculis, ut luberet, vel auferret, vel ferret. Ex Surio.

Si non vales pro Deo mortem subire, vales tamen vitam Deo placabilemducere. Magnum quippe est mori pro Christo; sed non est inferius, vivere Christo. Non potes sanguinem fundere, potes temetipsum pœnitentia telo percutere, & in cordis contritione mactare. B.Pet. Dam.serm.33.

S. ALDEGUNDIS V. 30.Ianuarii.

ET si Numen amore omnes omnino animas depereat, fatendum tamen est, non raro etiam illustres ceras apud homines quæsiisse. Ita ADELGVNDEM è regiâ Gallorum stirpe oriundam vox cælo allapsa jussit uni Agno castum thalamum servare; palmâ interim & veste longè nitidissimâ arrhæ loco datis. Ad id ipsum cum Angelus etiam Tutelaris palam yisus hortaretur, mater interim

jam